



«Քայլ առ քայլ» բարեգործական հիմնադրամ

«Նախադպրոցական հաստատության մանկավարժական աշխատողների մասնագիտական կարողությունների և հմտությունների զարգացման» ծրագիր

## ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ Մանկավարժական աշխատողի համագործակցությունը սաների ծնողների (նրանց օրինական ներկայացուցիչների) հետ՝ սաների կրթական աշխատանքների կազմակերպման հարցում

Դաստիարակ՝ Ռազմելա Վանեսյան

Մանկապարտեզ՝ Սյունիքի մարզի Գորիսի «Վ.Սարգսյանի անվան թիվ 1 ՆՈՒՀ » ՀՈԱԿ

2023թ.

# Բովանդակություն

ՆԵՐԱԾՈՒԹՅՈՒՆ-----	2
Գլուխ 1 <<Մանկավարժական աշխատողի և ծնողի համագործակցության դերը ընտանեկան դաստիարակության հարցում>>-----	5
Գլուխ 2<<Մանկավարժական աշխատողի և ծնողի հաղորդակցման ձևերը>>--	8
Գլուխ 3 Հետազոտական աշխատանքի ընթացքը-----	13
Մանկավարժական անձնակազմի վերլուծությունը պարապմունքի վերերբերյալ--	24
Եզրակացություն-----	25
Օգտագործված գրականության ցանկ -----	26

# ՆԵՐԱԾՈՒԹՅՈՒՆ

Այն տունը տուն չէ, որ մանուկ չունի,

Ուր դեռ չի հնչել ծիծաղը մանկան,

Այն տունը, սիրտ իմ, որ մանուկ չունի

Լեզվակը պոկած զանգի է նման:

Հովհ. Շիրազ

Երեխաները մեր ապագան են: Սա իրականության հանրահայտ ձևակերպումներից է: Ընտանիքի ներգրավումը էական նշանակություն ունի մանկապարտեզում իրականացվող ուսուցման խթանման և հարստացման համար ու մեծապես նպաստում է տանը ձեռք բերած գիտելիքների ու հետաքրքրությունների նպատակաուղղված զարգացմանը: Ընտանիքը երեխայի սոցիալականացման առաջին օղակն է, որտեղ նա ճանաչում է ինքն իրեն և ձևավորվում որպես անհատ: Երեխայի սոցիալականացման երկրորդ օղակը նախադպրոցական ուսումնական հաստատությունն է, որտեղ երեխան շփվում է հաստատում դաստիարակների և հասակակիցների հետ: Երեխաների համակողմանի և ներդաշնակ զարգացման համար կարևոր է համարվում մանկավարժական աշխատողի համագործակցությունը սանի ծնողի (օրինական ներկայացուցչի) հետ, որը նպաստում է ծնողի անմիջական մասնակցությամբ մանկապարտեզում կրթական աշխատանքների, ինչպես նաև ընտանիքում սանի ճիշտ դաստիարակության կազմակերպմանը: Մ . Երմոլովայի հետազոտությունները փաստում են, որ երբ ծնողներն ակտիվ մասնակցում են մանկապարտեզի գործընթացին, երեխան ցուցաբերում է ավելի բարձր առաջադիմություն, դրական վարք, հարգալից վերաբերմունք ընկերների և դաստիարակների հանդեպ, ունենում է հավատ սեփական անձի և հնարավորությունների նկատմամբ, ինչն էլ խթանում է նրանց ակտիվությանն ու մասնակցությանը ուսուցման գործընթացում: Փորձը ցույց է տալիս, որ ծնողների և դաստիարակների շփման և արդյունավետ համագործակցության արդյունքում նկատվում են երեխայի կայուն և շարունակական ձեռքբերումներ, նրանց մոտ ավելի արագ են ձևավորվում և զարգանում սոցիալական հմտությունները, վարքը դրականորեն է վերափոխվում ինչպես տանը, այնպես էլ նախակրթարանում: Երեխայի դաստիարակության, անձի ձևավորման գործում իր առաջնային, անգնահատելի և առանձնահատուկ դերն ունի ընտանիքը: Սակայն ընտանեկան դաստիարակության առաջնահերթությունն ու կարևորությունը չի նսեմացնում մանկապարտեզի և հասարակության դերը երեխայի դաստիարակության գործում: Ուստի պետք է կարևորենք այն օղակների համագործակցությունը, որն, անշուշտ, սկսվում է ընտանիքից: Ընտանիքները տարբերվում են միմյանցից իրենց կառուցվածքով, խնդիրներով, արժեքներով, կրթության նկատմամբ իրենց վերաբերմունքով: Ուստի անհրաժեշտ է ընտանիք

մանկապարտեզ փոխհարաբերությունն այնպես կառուցել, որ հաշվի առնվի առաջին հերթին յուրաքանչյուր երեխայի հնարավորությունները, առանձնահատկությունները, նաև ընտանքի պատվերը: Երեխայի դաստիարակությունը կախված է նաև ծնողների տեղեկացվածության մակարդակից, ուստի մանկավարժը պետք է սերտ համագործակցի նաև ծնողների հետ նրանց իրազեկելու նպատակով: Ունենալով մեկ ընդհանուր նպատակ՝ կրթել, դաստիարակել, զարգացնել երեխային բխում է հենց մանկավարժի համագործակցությունից, ծնողների, կրթության կազմակերպման և ընտանեկան դաստիարակության իրագործումից: Ուստի որպես արդիական թեմա կիրականցվի հետազոտություն՝ մանկավարժի համագործակցությունը սովորողների ծնողների կամ նրանց օրինական ներկայացուցիչների հետ կրթության կազմակերպման և դաստիարակության հարցում:

**Թեմայի արդիականություն:** Մանկավարժական աշխատողի ու սաների ծնողների (նրանց օրինական ներկայացուցիչ) համագործակցությունը, որն օգնում է սաների կրթական աշխատանքների կազմակերպման և ընտանեկան դաստիարակության հարցերում խնդիրներ լուծելիս՝ հիմք է դառնում երեխայի հոգեւոցիալական, համակողմանի և ներդաշնակ զարգացման համար, ինչը նախադպրոցական մանկավարժության մեջ սահմանվող առաջնահերթություններից է:

**Համապատասխանությունը նոր չափորոշչի պահանջներին:** Սանի ծնողը պետք է որոշակի գիտելիքներ ունենա նոր հաստատված նախադպրոցական կրթության նախադպրոցական պետական կրթական չափորոշչի մասին, պետք է նաև տեղյակ լինի չափորոշչով ներկայացված վերջնարդյունքներին, ինչպես նաև կարողունակություններին, որպեսզի մանկավարժական աշխատողի հետ զուգընթաց նպաստի երեխաների հոգեւոցիալական, բազմակողմանի և ներդաշնակ զարգացմանը:

**Հետազոտական աշխատանքի նպատակն** է մանկավարժական աշխատողի և սաների ծնողների՝ նրանց օրինական ներկայացուցիչների համագործակցության տարբեր ձևերի և մեթոդների միջոցով կարողանալ լուծել սաների կրթական աշխատանքների կազմակերպման և ընտանեկան դաստիարակության հարցերը:

### **Նպատակից էլ բխեցնենք խնդիրները՝**

-- Պարզել, թե որքանով են ուսումնասիրվող մանկապարտեզի սաների ծնողները և նրանց օրինական ներկայացուցիչներ համագործակցում մանկավարժական աշխատողների հետ՝ ներգրավված լինելով կրթական աշխատանքների հետ:

-- Ուսումնասիրել համապատասխան գրականություն և պարզել, թե որքանով է կարևոր մանկավարժական աշխատողի և ծնողի օրինական ներկայացուցչի համագործակցությունը՝ ընտանեկան դաստիարակության հարցում:

- Կազմակերպել և վարել բաց պարապմունքներ, սեմինարներ, ծնողների համաժողովներ, ընտանեկան ակումբներ, հարց ու պատասխանի երեկո, տնային

այցելություններ՝ բարձրացնելու սաների ծնողների ներգրավածությունը մանկապարտեզի կրթական աշխատանքների կազմակերպման մեջ և նպաստելու մանկավարժական աշխատողի համագործակցության միջոցով ընտանեկան դաստիարակության իրականացմանը:

# Գլուխ 1

## **<<Մանկավարժական աշխատողի և ծնողի համագործակցության դերը ընտանեկան դաստիարակության հարցում>>**

Երեխայի կյանքի առաջին քայլերը սկսվում են ընտանիքից. Նրա վարքագիծը ընտանիքի կենսակերպի, ծնողների և ընտանիքի այլ անդամների դաստիարակչական ազդեցության արդյունք է: Վաղ տարիքի երեխաների սոցիալական զարգացումը կանոնակարգվում է երկու կառույցների միջոցով՝ նախադպրոցական հաստատություն և ընտանիք: Որոշ մանկավարժներ, վստահելով իրենց գիտելիքներին, համարում են, որ իրենք բոլորից ճիշտ են դաստիարակում: Այդպես են մտածում շատ ծնողներ՝ կարծելով, որ իրենց երեխային ավելի լավ գիտեն և հաջողությամբ կարող են լուծել նրան վերաբերող ցանկացած խնդիր: Երեխայի զարգացման որոշ ոլորտներում, օրինակ՝ հուզական, ֆիզիկական, ընտանիքի հնարավորություններն են ավելին, իսկ ուսուցման, ստեղծագործական ունակությունների զարգացման և այլն հարցերում՝ մանկապարտեզինը: Ընտանիքների և նախադպրոցական հաստատության գործունեության համատեղ ծրագիրը, հեշտացնում է երեխայի սոցիալական զարգացումը՝ սոցիալականացումը: Երեխաներին ճիշտ դաստիարակելու համար անհրաժեշտ է հասկանալ և հաշվի առնել յուրաքանչյուր երեխայի հոգեբանական և անհատական առանձնահատկությունները: Սակայն ոչ բոլոր ծնողներն ունեն դրա համար մանկավարժական գիտելիքներ: Մեծ է երեխայի դերը աշխարհայացքի հիմքերի ձևավորման, վարքագծի, բարոյական նորմերի յուրացման, մարդկանց, նրանց արարքների նկատմամբ վերաբերմունքը որոշելու գործում: Որպեսզի ընտանիքը հաջողությամբ հաղթահարի երեխաների դաստիարակությունը, ծնողները պետք է իմանան հիմնական մանկավարժական պահանջները և ստեղծեն անհրաժեշտ պայմաններ՝ ընտանիքում երեխա մեծացնելու համար: Ո՞րոնք են այդ պայմանները: Առաջին հերթին այն ընտանեկան մթնոլորտը, երբ ծնողներից ու ընտանեկան անդամներից յուրաքանչյուրը հասկանում է երեխաների դաստիարակության պատասխանատվությունը, չէ որ ընտանեկան ճիշտ դաստիարակության պայմանները ռացիոնալ կազմակերպված կյանքն է, կենսակերպը ընտանիքում: Նախադպրոցականի տարիքի լիարժեք դաստիարակությունը տեղի է ունենում ընտանիքի և նախադպրոցական հաստատության միաժամանակյա ազդեցության պայմաններում: Իսկ մանկավարժական աշխատողը, որպես կանոն, նման դրական դերում ընդունվում է որպես կրթության իրավահավասար գործընկեր, ում վստահում են, լսում, խորհուրդները: Մանկավարժի խնդիրն է երեխաներին բացահայտել ծնողների հետ աշխատանքի բոլոր ձևերի կարևորագույն ասպեկտները, հոգեբանական զարգացումները, նախադպրոցական մանկության յուրաքանչյուր տարիքային փուլում և կրթության համապատասխան մեթոդները, միաժամանակ ընդգծելով, որ երեխաներին դաստիարակելու համար պետք է ճանաչել նրանց և կարողանալ տեսնել, թե ինչն է բնորոշ մանկության յուրաքանչյուր

շրջանին և, մասնավորապես, ինչ է նկատվում ձեր երեխայի մեջ: Անհնար է ստիպել զարգացումը՝ առանց հաշվի առնելու երեխայի՝ նախադպրոցականի հնարավորությունները: Սակայն զարգացման հետաձգումը նույնպես անընդունելի է: Ուստի կարևոր է, որ ծնողները իմանան երեխաների զարգացման հոգեֆիզիոլոգիական ցուցումները: Մանկավարժական ազդեցությունների միասնական համակարգը և մանկապարտեզում ու ընտանիքում երեխային ուղղված միասնական պահանջները նպաստում են երեխայի վարքի որոշակի ոճի ձևավորմանը: Մինչև նույն ժամանակ երեխան ավելի քիչ դժվարություններ է ունենում վարքի, բարոյական նորմերի, սովորությունների յուրացման գործընթացում, և ավելի հեշտ է տիրապետում կրթական աշխատանքային գործունեության հմտություններին, շրջապատող երեխաների և մեծահասակների հետ շփման կանոններին: Ծնողները պետք է իմանան երեխայի հոգեբանական և անհատական առանձնահատկությունները, նրա գործառույթները՝ համապատասխան մանկապարտեզում կրթության և վերապատրաստման ծրագրին, որպեսզի ուսուցման գործընթացը ճիշտ ուղղությամբ տանեն: Դրա համար անհրաժեշտ է ծնողներին հնարավորինս ներգրավել մանկապարտեզի կյանքում: Հետևաբար, հետազոտության վարկածն այն է, որ եթե ծնողները իմանան երեխայի անհատականության ձևավորման հոգեբանական առանձնահատկությունները և հստակ իմանան դրանց գործառույթները՝ ակտիվորեն մասնակցելով մանկապարտեզի աշխատանքներին, միայն այդ դեպքում կմեծանա ազատ զարգացող անհատականությունը: Այնուամենայնիվ, համագործակցությունը նպաստում է նրան, որ կատարելագործվում է ծնողների մանկավարժական կուլտուրան: Դրա շրջանակներում ստեղծված ծնողական թիմի գործունեությունը հնարավորություն է տալիս փորձի փոխանակման միջոցով ավելի հաջող իրականացնել ընտանեկան դաստիարակությունը և բարձրացնել բնակչության ընդհանուր մշակույթի մակարդակը: Սաների կրթական աշխատանքների կազմակերպման հաջողությունը կախված է նրանից, թե ինչպես կզարգանան մանկավարժական աշխատողի և սաների ծնողների հարաբերությունները: Իսկ կրթական աշխատանքների կազմակերպման արդյունքը կարող է հաջող լինել, երբ նրանք դառնան համախոհներ: Ընտանեկան դաստիարակությունը բնութագրվում է խորը հուզական, մտերմիկ բնավորությամբ: Ընտանեկան դաստիարակության ուղեցույցը ծնողական սերն է երեխաների նկատմամբ և երեխաների փոխադարձ զգացմունքները՝ ծնողների նկատմամբ: Եվ որպեսզի ընտանիքը հաջողությամբ հաղթահարի երեխաների դաստիարակությունը, ծնողները պետք է իմանան հիմնական մանկավարժական պահանջները և ստեղծեն անհրաժեշտ պայմաններ՝ ընտանիքում երեխա մեծացնելու համար: Նախադպրոցական տարիքի երեխայի լիարժեք դաստիարակությունը տեղի է ունենում ընտանիքի և նախադպրոցական հաստատության միաժամանակյա ազդեցության պայմաններում, իսկ մանկավարժական աշխատողը, որպես կանոն, նման դրական դերում ընդունվում է որպես կրթության իրավահավասար գործընկեր, ում վստահում են, լսում խորհուրդները: Ընտանիքի հետ նպատակաուղղված շփման սոցիալական նշանակությունը կայանում է նրանում, որ մանկավարժական աշխատողը ճիշտ ձևով ուղղելով ծնողների ազդեցությունը երեխաների վրա՝ ազդում է նաև ներընտանեկան հարաբերությունների

վերակազմավորման վրա ,նպաստում ծնողների ամհատականության բարելավմանը:Դրանով իսկ արդեն բարձրանում է բնակչության ընդհանուր մշակույթի մակարդակը,նպաստում է նրան,որ կատարելագործվում է ծնողների մանկավարժական կուլտուրան:Դրա շրջանակներում ստեղծված ծնողական թիմի գործունեությունը հնարավորություն է տալիս փորձի փոխանակման միջոցով ավելի հաջող իրականացնել ընտանեկան դաստիարակությունը:Ի վերջո,մանկավարժական աշխատողի հիմնական խնդիրը պետք է լինի ակտիվացնել ընտանիքի մանկավարժական,դաստիարակչական գործունեությունը՝ դրան տալով նպատակային և սոցիալապես նշանակալի բնույթ:



## Գլուխ 2

### <<Մանկավարժական աշխատողի և ծնողի հաղորդակցման ձևերը>>

Յուրաքանչյուր անհատի ճակատագիրը դասավորվում է դեռ մանկուց: Երեխաների դաստիարակության, զարգացման, ապագայի ձևավորման մեջ որքան մեծ է ընտանիքի դերը դրանից էլ զատ՝ մանկապարտեզինը: Մեր աշխատանքի բուն նպատակը հնարավորինս ներկայացնել մանկապարտեզ-ընտանիք կապի առանձնահատկությունները, մանկավարժական աշխատողի և ծնողի հաղորդակցման ձևերը երեխայի դաստիարակության հարցում: Մանկապարտեզ-ընտանիք համագործակցությունը երեխաների զարգացման կարևոր մասն են կազմում, քանի որ այդ կապը ավելի արդյունավետ է դարձնում երեխայի ճիշտ զարգացմանը նպաստելը: Ծնողների հետ համագործակցությունը վաղ մանկական և նախադպրոցական տարիքի երեխաների կրթական արդյունավետ ծրագրի անհրաժեշտ մասն է կազմում: Ծնողները մշտապես կարիք ունեն իմանալու մանկապարտեզի տեսակետն իրենց երեխայի մասին: Մինևույն ժամանակ մանկապարտեզը շահում է ծնողների՝ տվյալ բնագավառին իրազեկությունից և երեխայի դաստիարակության գործին նրանց ներդրումներից: Դրա շնորհիվ մանկավարժները հնարավորություն են ունենում հասնել երեխայի վարքի դրդապատճառների առավել համակողմանի պատկերացման: Համագործակցության արդյունքում թե՛ ծնողը և թե՛ դաստիարակը արժեքավոր տեղեկություններ են ստանում երեխայի կարողությունների, հետաքրքրությունների, համակրանքների, հակակրանքների մասին: Այս տեղեկատվությունը պետք է այնպես փոխանակել, որ այն լավագույնս ծառայի երեխայի շահերին: Ընտանիքի և մանկապարտեզի համագործակցության մոդելի կենտրոնում երեխան է: Անտարակույս, նա է իր կրթության ու զարգացման հաջողության գործի գլխավոր դերակատարը մանկապարտեզում և ընտանիքում: Սակայն համագործակցությունն ինքնին չի կարող հաջողակ երեխաներ ունենալու նախապայման դառնալ: Անհրաժեշտ է մշակել այնպիսի ձևեր, որոնք կնպաստեն ներգրավել ուղղորդել, խթանել և շահագրգռել երեխաներին՝ ինքնուրույն հասնել հաջողության: Այժմ հանդիպումները փոխարինվում են նոր ոչ ավանդական ճանաչողական ձևերով, ինչպիսիք են KVN, մանկավարժական հյուրասենյակ, կլոր սեղան, հրաշքների դաշտ, ի՞նչ: Որտե՞ղ Ե՞րբ », « Նորածնի բերանով », « Թոք շուր », « Բանավոր հանդես »: Նման ձևերը կառուցված են հեռուստատեսային և ժամանցային հաղորդումների, խաղերի սկզբունքի վրա, դրանք ուղղված են ոչ ֆորմալ կապեր հաստատել ծնողների հետ, նրանց ուշադրությունը գրավել մանկապարտեզի վրա: Ոչ ավանդական ճանաչողական ձևերը նպատակ ունեն ծնողներին ծանոթացնել երեխաների տարիքի և հոգեբանական զարգացման առանձնահատկություններին, ծնողների գործնական հմտությունների ձևավորման դաստիարակության ռացիոնալ մեթոդներին և մեթոդներին: Այնուամենայնիվ, այստեղ փոխվել են այն սկզբունքները, որոնց հիման վրա կառուցվում է մանկավարժների և ծնողների շփումը: Դրանք ներառում են երկխոսության վրա հիմնված հաղորդակցություն, բացություն, հաղորդակցության մեջ անկեղծություն, հաղորդակցման գործընկերոջը քննադատելու և գնահատելու մերժում: Հաղորդակցության այս ձևերի

կազմակերպման և վարման ոչ ֆորմալ մոտեցումը մանկավարժներին դնում է ծնողների ակտիվացման համար բազմազան մեթոդների օգտագործման անհրաժեշտության առջև:

**●Նախադպրոցական ներկայացում**

Նպատակը ծնողներին ծանոթացնել նախադպրոցական հաստատության, նրա կանոնադրության, զարգացման ծրագրի և ուսուցիչների թիմի հետ; ցույց տալ (հատվածաբար) յուրաքանչյուր երեխայի անհատականության զարգացման բոլոր գործողությունները: Աշխատանքի այս ձևի արդյունքում ծնողները օգտակար տեղեկություններ են ստանում երեխաների հետ աշխատանքի բովանդակության, մասնագետների (խոսակցական թերապևտ, հոգեբան, ակնաբույժ, լոդի և կոփելու հրահանգիչ, սոցիալական մանկավարժ, հոգեբան) կողմից տրամադրվող անվճար ծառայությունների մասին:

**●Բաց դասեր երեխաների հետ նախադպրոցական ուսումնական հաստատությունում ծնողների համար**

Նպատակը. Ծնողներին ծանոթացնել նախադպրոցական ուսումնական հաստատությունում դասերի անցկացման կառուցվածքի և առանձնահատկությունների հետ: Պարապմունքի ընթացքում դաստիարակը կարող է դրանում ներառել ծնողների կողմից գրույցի տարր (երեխան կարող է հյուրին ինչ-որ նոր բան պատմել, ներկայացնել նրան իր հետաքրքրությունների շրջանակը):

**●Ծնողների մասնակցությամբ մանկավարժական խորհուրդ**

Նպատակը ծնողներին ներգրավելն է նրանց ընտանիքում երեխաների դաստիարակության հիմնախնդիրների ակտիվ ընկալման մեջ՝ ելնելով նրանց անհատական կարիքներից:

**●Ծնողների համաժողովներ:**

Նպատակը՝ ընտանեկան կրթության ոլորտում փորձի փոխանակում: Ծնողները նախօրոք պատրաստում են հաղորդագրություն, ուսուցիչը, անհրաժեշտության դեպքում, օգնություն է ցուցաբերում թեման ընտրելու հարցում, ելույթ կազմելով: Մասնագետը կարող է ելույթ ունենալ համաժողովում: Նրա ելույթը տրվում է որպես սերմ՝ քննարկում հարուցելու, իսկ հնարավորության դեպքում՝ քննարկում:

Համաժողովը կարող է անցկացվել մեկ նախադպրոցական հաստատության շրջանակներում, բայց կիրառվում են նաև քաղաքային և շրջանային մասշտաբների համաժողովներ: Կարևոր է որոշել համաժողովի բուն թեման («Երեխաների առողջությունը հոգալը», «Ընտանիքի դերը երեխայի դաստիարակության գործում»): Համաժողովի համար նախապատրաստվում է մանկական աշխատանքների, մանկավարժական գրականության, նախադպրոցական հաստատությունների աշխատանքը արտացոլող նյութերի ցուցահանդես: Համաժողովը կարող էք ավարտել երեխաների, նախադպրոցական հաստատությունների անձնակազմի, ընտանիքի անդամների համատեղ համերգով:

**●Մինի-հանդիպումներ:**

Բացահայտվում է հետաքրքիր ընտանիք, ուսումնասիրվում է նրա դաստիարակության փորձը: Հետո նա երկու-երեք ընտանիք է հրավիրում իր մոտ՝ կիսելով ընտանեկան կրթության իր դիրքը:

**●Մանկավարժական խորհուրդներ:**

Խորհուրդը բաղկացած է մանկավարժից, ղեկավարից, հիմնական գործունեության գծով ղեկավարի տեղակալից, կրթական հոգեբանից, լոգոպեդ-ուսուցչից, գլխավոր բուժքույրից և ծնողական հանձնաժողովի անդամներից: Խորհուրդը քննարկում է ընտանիքի կրթական ներուժը, նրա ֆինանսական վիճակը և ընտանիքում երեխայի կարգավիճակը: Խորհրդի աշխատանքի արդյունքը կարող է լինել.

**●Ընտանեկան ակումբներ:**

Ի տարբերություն ծնողական հանդիպումների, որոնք հիմնված են դիդակտիկ հաղորդակցության ձևի վրա, ակումբը ընտանիքի հետ հարաբերություններ է կառուցում կամավորության և անձնական հետաքրքրության սկզբունքների հիման վրա: Նման ակումբում մարդկանց միավորում է ընդհանուր խնդիրը և երեխային օգնության օպտիմալ ձևերի համատեղ որոնումները: Հանդիպումների թեմաները ձեւակերպում և խնդրում են ծնողները: Ընտանեկան ակումբները դինամիկ կառույցներ են: Նրանք կարող են միավորվել մեկ մեծ ակումբի մեջ կամ բաժանվել ավելի փոքր ակումբների. Ամեն ինչ կախված է հանդիպման թեմայից և կազմակերպիչների գաղափարից:

**●Երեխաների դաստիարակության, ուսուցման և զարգացման հիմնախնդիրների վերաբերյալ հատուկ գրականության գրադարանը նշանակալի օգնություն է**

ակումբների աշխատանքում: Ուսուցիչները վերահսկում են ժամանակին փոխանակումը, անհրաժեշտ գրքերի ընտրությունը, կատարում նոր ապրանքների ծանոթագրություններ:

**●Ուսումնական խաղերի վարժություններ և առաջադրանքներ:**

Դրանք օգնում են գնահատել երեխայի հետ փոխազդեցության տարբեր ձևերը, ընտրել նրան դիմելու և նրա հետ շփվելու ավելի հաջող ձևեր և փոխարինել անցանկալի կառուցողականներին: Խաղի մարզման մեջ ներգրավված ծնողը սկսում է երեխայի հետ շփումը, հասկանում է նոր ճշմարտություններ:

Ներկա փուլում ծնողների հետ աշխատանքի ձևերից մեկը տարբեր մրցույթների անցկացումն է:

**●Հարց ու պատասխանի երեկո:**

Նպատակը. Պարզաբանել ծնողների մանկավարժական գիտելիքները, դրանք գործնականում կիրառելու ունակությունը, նոր բան սովորել, միմյանց գիտելիքները լրացնել, քննարկել երեխաների զարգացման որոշ խնդիրներ: Հարցերի և պատասխանների երեկոները տալիս են կենտրոնացված մանկավարժական տեղեկատվություն հարցերի բազմազանության վերաբերյալ, որոնք հաճախ վիճելի են, և դրանց պատասխանները հաճախ վերածվում են թեժ, հետաքրքրված քննարկման:

**<<Ինչ են շահում ընտանիքները>>**

Ընտանիքների մասնակցությունը վաղ հասակի երեխաների կրթական ծրագրին արգասաբեր է մի շարք նկատառումներով: Խմբասենյակ հաճախող,ուսումնակրթական գործընթացին մասնակցող և առանձին տեսակների կրթական միջոցառումներ վարող ծնողները կամ ընտանիքի այլ անդամներ,շնորհիվ այդ իսկ մասնակցության,հնարավորություն են ստանում՝

●Սովորելու իրենց երեխաներին ընկալել մյուսների հետ փոխհարաբերությունների համատեքստում:

●Ավելի լավ հասկանալու երեխայի զարգացման փուլերը:

●Հստակորեն ըմբռնելու և գնահատելու մանկավարժական կազմի նշանակությունը:

●Հայտնաբերելու նոր խաղեր և միջոցառումներ,որոնք հաճելի կլինի կազմակերպել տանը

- Ծանոթանալու իրենց երեխաների ընկերների հետ:
- Հաստատելու տևական բարեկամական հարաբերություններ մյուս ծնողների հետ:
- Խորացնելու երեխայի ուսուցումը տան պայմաններում:

**<<Ինչ են շահում մանկավարժները>>**

Խմբասենյակում ծնողների ներկայությունը մանկավարժներին հնարավորություն կընձեռի՝

- Ավելի շատ ժամանակ հատկացնել երեխաների հետ անհատական պարապմունքներին կամ օգտվել փոքր խմբերի հետ աշխատելու հնարավորությունից:
  - Պատկերացում կազմել այն մասին, թե ինչպես են ծնողները խրախուսում երեխաներին:
  - Տեսնել, թե ինչպես են ծնողները երեխաներին օգնում առաջացած պրոբլեմները լուծելիս:
- 9 -
- Ավելի լավ տեղեկանալ տարբեր մշակույթների առանձնահատկություններին:
  - Իմանալ այն հատուկ հմտությունների և հետաքրքրությունների մասին, որոնք ունեն այս կամ այն ընտանիքի անդամները և երեխաները, օրինակ՝ երաժշտական գործիքներ նվագելու կարողություն):

**<<Տնային այցելություններ>>**

Տնային այցելությունները մասնագետներին երեխաների ու նրանց ծնողների կյանքի պայմանների մասին անմիջական տվյալներ ստանալու լրացուցիչ հնարավորություն են ընձեռում: Տնային պայմաններն այցելուին թույլ են տալիս առավելագույնս իրագործել այն սկզբունքը, ըստ որի՝ կրթական արդյունավետ ծրագրերը սկիզբ են առնում այնտեղ, ուր գտնվում է հենց ինքը՝ սովորողը:

Տնային այցելությունների ծրագրերը բովանդակային և մեթոդական առումով խիստ բազմազան են: Դրանք իրաից նշանակալիորեն տարբերվում են ըստ այնհանգամանքի, թե այցելության նպատակը ծնո՞ղն է, երեխա՞ն, թե՞ ընտանիքը: Տնային այցելություն կատարողի և ծնողի միջև փոխհարաբերությունները պետք է կառուցվեն համագործակցային սկզբունքով: Կարելի է տնային այցելություններն այնպես կազմակերպել, որ ծնողի ներկայությունը քիչ կամ բոլորովին անհրաժեշտ չլինի: Սա հնարավոր է հատկապես այն դեպքում, երբ նպատակը տունը խմբասենյակին նմանեցնելն է կամ ուսումնական կենտրոնների հենքով մշակված ծրագիրը տան պայմաններում իրականացնելը: Այստեղ նույնպես կիրառվելու է երեխայակենտրոն մոտեցում, որը չի պահանջում ծնողների ներկայությունը:

Տնային այցելությունները մի յուրահատուկ ուղի են հարթում դեպի ընտանիք և բացառիկ տեղեկատվություն ապահովում ընտանեկան իրավիճակի մասին: Միևնույն ժամանակ պետք չէ ակնկալել, որ տնային այցելությունները կկարողանան լուծել խոշոր հիմնախնդիրներ:

**Ժողովներ վարելիս հարկավոր է՝**

- օգնել ծնողներին՝ իրենց հանգիստ, հարմարավետ և ցանկալի հյուր զգալ, քանի որ մանկապարտեզը մանկավարժի տարածքն է
- հաղորդակցվել ծնողների հետ՝ իրենց մակարդակին համապատասխան, խուսափել նեղ մասնագիտական բառապաշարի օգտագործումից

- շեշտը դնել երեխայի բնավորության դրական հատկանիշների վրա,
- ծնողներին առաջարկել հատուկ մեթոդներ, որոնցով նրանք կարող են տանը օգնել իրենց երեխաներին:

***Խորհուրդներ ծնողներին երեխայի վարքը և մտահորիզոնը զարգացնելու համար***

- Հաճախակի զբոսնեք ձեր երեխաների հետ և զրուցեք ամեն ինչի մասին:
- Փորձեք տարբերել կերպարներ և ձևեր երկնքում սահող ամպերում:
- Կազմակերպեք պարզ բառախաղեր: Թող երեխան թվարկի շարժվող և անշարժ առարկաներ:
- Խնդրեք նրան ուշադիր լսել շրջապատի ձայները, հետո տարբերել դրանք:
- Կարևոր են նկարչությունն ու գունազարդումները:
- Երևակայությունը խթանում է նաև զգեստափոխումները:
- Օգնել երեխային, երբ նա դժվարանում է ինչ-որ բան նկարելիս:
- Ճիշտ պատկերացում տվեք ինչ-որ առարկա նկարելիս: Աշխատանքի ժամանակ օգտագործել այն, ինչ որ կա ձեռքի տակ՝ ամսագրեր, թերթեր, գործվածքներ, թելեր, պարաններ և այլն:

### **Գլուխ 3**

Մեր առջև դրված կարևորագույն խնդիրներից է՝ էկոլոգիական օրինա-  
չափությունների իմացության հիման վրա բնության խելամիտ օգտագործումն ու պահպան  
ումը: Այդ գործընթացը պետք է սկսել նախադպրոցական տարիքից, քանի որ այս տարիքու  
մ երեխան ավելի հուզականորեն է ընկալում՝ բնությունից ստացված տպավորությունները,  
և դրանք խոր հետք են թողնում նրա գիտակցության մեջ: Երեխան ծանոթանալով շրջակա  
միջավայրին՝ գիտակցում է, որ Երկիրը մեր ընդհանուր տունն է, և այն պետք է պահպանել  
ու խնամել:

#### **Հետազոտական աշխատանքի ընթացքը**

<b>Ավագ խումբ, դաստիարակ՝</b>	Ռազմելա Վանեսյան
<b>Բաց պարապմունք՝</b>	Ինձ շրջապատող աշխարհը մեթոդիկայից
<b>Ներկաներ՝</b>	Մանկավարժական անձնակազմ, ծնողներ
<b>Երեխաների թիվը՝</b>	25 (քսանհինգ)
<b>Տևողությունը՝</b>	քառասուն րոպե
<b>Թեմա՝</b>	<b>&lt;&lt;Երկիր մոլորակն իմ ու քո տունն է&gt;&gt;</b>

**Նպատակը՝** ամրապնդել և զարգացնել երեխաների գիտելիքները Երկիր մոլորակի և նրա  
բնակիչների վերաբերյալ, սեր արթնացնել և հոգատար վերաբերմունք ձևավորել նրա նկա  
տմամբ, կարողանալ հիանալ բնության գեղեցկությամբ, զարգացնել երեխաների հիշողու  
թյունը, ուշադրությունը, մտածողությունը և երկխոսության մեջ մտնելու ունակությունը:

#### **Կապը չափորոշի հետ**

##### **Խոսք և հաղորդակցման ոլորտ**

Զ. Հասկանում է շրջապատող աշխարհի և բնության երևույթների միասնականությունը  
և փոխկապակցվածությունը, ունի տարրական պատկերացումներ կենդանական  
աշխարհի և անկենդան բնության մասին:

##### **Իմացական ոլորտ**

Ա. Սանը վերլուծում է երևույթների պատճառահետևանքային կապերը, ներկայացնում է  
իր պատկերացումներն ու վերաբերմունքը,

Բ. Նկարագրում և մեկնաբանում է շրջապատող միջավայրում ընթացող երևույթները ,սեփական որոշումներն ու գործողությունները:

### **Հուզական,սոցիալ-անձնային ոլորտ**

Ը. Ունի սուբյեկտիվ վերաբերմունք արտաքին աշխարհի հանդեպ,ինքնավերլուծության է ենթարկում սեփական վարքագիծն ու անձնային հատկությունները:

### **Ինքնասպասարկման, անվտանգության,առողջ ապրելակերպի ոլորտ**

Ը. Բացատրում է շրջակա միջավայրին խնամքով վերաբերվելու անհրաժեշտությունը

**Ակնկալվող վերջնարդյունքներ՝** ճանաչի երկրագունդի մոդելը,որպես ողջ մարդկության միասնական տուն,հասկանա մարդու՝ որպես բնության մի մասնիկի կապը կենդանական և բուսական աշխարհի հետ,բացատրի բնության մեջ մարդու աշխատանքի կարևորությունը,արժևորի բնության գեղեցկությունը և դրսևորի այն պահպանելու ճիշտ վարքագիծ:

**Անհրաժեշտ պարագաներ՝** բնություն պատկերող մեծադիր նկար,բնության ցուցադրական վահանակ,թղթեր,գունավոր մատիտներ,ջրաներկ,լաթեր,վրձիներ,ջրամաններ,փեթուրներ,խոտեր,պլաստիլին,տախտակներ՝ երեխաների թվով:

**Թռչունների տարածք՝** սեղան, երաժշտական կենտրոն, թռչունների նկարներ, «Ե» տառի պատկեր:: Այս կանգառում երեխաները կատարում են երգեր թռչունների մասին , սովորում են տարբերել նրանց ձայները և շարժվում երաժշտության ուղիովին համապատասխան:

**Անտառի տարածք՝** ընտանի ու վայրի կենդանիներ պատկերող նկարներ, «Ը» տառի պատկերը,ծառերի նկարներ,անտառային ձայներ:Որսորդական պարագաներ:Զարգանում է լսողությունը,արագաշարժությունը:

**Միջատների տարածք՝** սեղան, միջատների նկարներ, «Կ» տառ պատկերող քարտ: Այստեղ զարգանում են երեխաների գիտելիքները միջատների վերաբերյալ, ճանաչում են նրանց կառուցվածքը, մեծանում է հետաքրքրությունը նրանց նկատմամբ:

**Ծաղիկների տարածք՝** ծաղիկների նկարներ, փուլիկներ՝ ծաղկի սերմերի համար, «Ի» տառը: Այստեղ երեխաները զույգեր են կազմում, սովորում անվանել ծաղիկները, ճիշտ կազմել գոյականի հոգնակի թիվը, անվանել գույները, յուրացնել հատկանիշ արտահայտող բառեր:Ծնողները փորձում են թվարկել ծաղիկների անվանումներն ու նրանց կենսապայմանը:

**Հրաշքների դաշտ՝** ծաղիկների սածիլներ, բահ, խոնավ անձեռոցիկներ, «Բ» տառ պատկերող քարտ: Այս մթնոլորտում զարգանում են երեխաների աշխատասիրությունը, ընկերական փոխհարաբերությունները: Արթնանում է սեր բույսերի նկատմամբ: Նրանք սովորում են խնամքով վերաբերվել դրանց:

**Բաշխիչ նյութեր՝** ծաղկած ծառ, շվի, կոճղ, Երկիր մոլորակի նկար, թռչնավանդակ, շիվեր, դույլեր, ցնցուղներ, հող, սերմեր, քարտեր, գլոբուս, եռագույն դրոշ, զինանշան, մուլբերտ:

**Ճանապարհորդության ընթացքը՝** Երաժշտության հնչյունների ներքո երեխաները մտնում են դահլիճ, նրանցից հետո ծնողները ևս քայլքով մտնում են, զբաղեցնում իրենց տեղերը, միմյանց ողջունում:

### **Խթանման փուլ**

**Դաստիարակ՝** Մեր Երկիրը մի մոլորակ է՝ լի հրաշքներով ու հանելուկներով: Մենք շրջապատված ենք հրաշալի բնությամբ, որտեղ ապրում են մարդիկ, կենդանիներ, թռչուններ, միջատներ, բույսեր ու ծառեր: Մարդը պետք է հոգ տանի կենդանի բնության նկատմամբ ու չվնասի նրան: Այսօր մենք կկատարենք մի շատ հաճելի ճանապարհորդություն: Ձեզ բարի երթ:

### **Հովվի կանչ—բնության ձայներ**

**Դաստիարակ---** Երեխաներ, ի՞նչ ձայներ եք լսում:

**Երեխաներ---** Բնության ձայներ, հովվի սրնգի ձայն, գետակի կարկաչի, թռչունների ձվլլոց, միջատների տզզոց:

**Դաստիարակ---** Ի՞նչ եք կարծում, տարվա որ եղանակն են խորհրդանշում այդ ձայները:

**Երեխաներ---** Գարուն

**Դաստիարակ---** Մի պահ փակեք ձեր աչքերը, պատկերացրեք, որ դուք բնության գրկում նստած եք, ինչպե՞ս կներկայացնեք գարունը:

**Երեխաներ---** Գարնանը սառած գետինը տաքանում է և սկսում է կանաչել: Տերևազուրկ ծառերը բողբոջում ու բացվում են, սար ու ձոր կանաչ են հագնում: Ես տեսնում եմ, որ գույն-գույն ծաղիկներն արևի տակ փայլում են, իսկ նորեկ-երգեցիկ թռչունները ձայն ձայնի տված ձվլլում են, ինձ թվում է, թե մեր խմբի երեխաներն են ժպտում: -Կարծես բոլոր շնչավորները ձեռք ձեռքի տված պար են գալիս, զվարճանում են

### **Իմաստի ընկալման փուլ**

**Դաստիարակ---** գարնան բնութագրիչ առանձնահատկություններ, նախապես մեկ ամսվա ընթացքում խոսվել է դրանց մասին:



**Դաստիարակ**---Դե եկեք դիմավորենք մեր գարուն եղանակին:

**Գարուն- Ծնողի- մուտք --մեղմ երաժշտության ներքո**

**Ծնող `Գարուն**--Ողջույն,ողջույն,հազար բարև,երգ,կարկաչով Ձեզ խինդ ու սեր: **Երեխաներ**---Ողջույն,ողջույն:

**Ծնող -Գարուն**-- Ես հեռվից լսեցի,թե ինչպիսինն եմ ես ձեր պատկերացմամբ:Շնորհակալ եմ,որ ինձ ներկայացրիք:Այսօր ես դատարկաձեռն չեմ եկել:Ինձ հետ բերել եմ անակնկալներ և դուք պետք է հաղթահարեք փորձությունները ու ստանաք այն: Դե ինչ պատրա՞ստ եք:

**Երեխաներ**---Այո,պատրաստ ենք:

**Ծնող Գարուն** –Որո՞նք են գարնան ամիսները:

**Երեխաներ**—Պատասխաններ-Գարնան ամիսներն են՝ մարտ,ապրիլ,մայիս:

**Ծնող** –Կարո՞ղ եք բնութագրել ամիսները,ես գիտեմ,որ դուք արդեն սովորել եք միջին խմբում:

**Երեխաները պատասխանում են՝ Մարտ** ամսին գարունը լույս է բերում,երկինքն օրեցօր երկնագույն է դառնում,արևն ավելի քնքշորեն է տաքացնում և օդը լցվում է թանձաշունչ ու քաղցրաշունչ բուրմունքով:Այն ջրի գարունն է,ձյունը հալչում է,սարերից ու լեռներից հոսում են ու խոխոջում են առվակները:Գիշեր-ցերեկ աղմկում,երգում,կյանք է առնում բնությունը:Մարտ ամսին տոնում ենք գարնան առաջին օրը,մայրիկների տոնը:**Ապրիլը** կանաչ գարուն է:Մերկ ծառերն արթնանում են,նրանք բողբոջում են,կանաչում:Ծվլլում են թռչունները,աշխուժանում են միջատները,բոլոր կենդանի էակները ծագուկներ են ունենում:Ապրիլ ամսին կերը շատ է լինում:Ապրիլին տոնում ենք Ծաղկազարդը,Սուրբ Զատիկը:

**Մայիսը** վարդագույն գարուն է:Այգիներում,պարտեզներում ծաղկում են ծիրանենիները,բալենին,դեղձենին,նշենին,տանձենին ու խնձորենին:Պուրակներն ու փողոցները զարդարում են բազմագույն հոտավետ ծաղիկները:Մայիսին տոնում են Հայաստանի առաջին Հանրապետության օրը:

**Դաստիարակ՝** կեցցեք,երեխաներ:Գարուն,դու պետք է փոքրիկներին տաս առաջին անակնկալը:

**Գարուն**---Այո,դուք ստանում եք Ձեր ճանապարհորդության առաջին տառը(Ե)

**Երգ**--- <<Գարուն>>

**Եկեք գնանք թռչունների տարածք:**

## **Դաստիարակ՝**

Տնակը նրանց փոքրիկ անվանում են բույն,  
ծածկված են փետուրով,բազմերանգ ու բազմագույն,դայլայլում են, ճտճտում,ճախրում  
օդում կապուտակ,ուտում հատիկ ու միջատ: Նրանց կոչում են...

**Երեխաներ** - թռչուններ:

Ապրեք: Մենք հայտնվեցինք թռչունների տարածքում: Ինչպիսի՞ թռչուններ գիտեք ( պատասխան):-Այժմ մենք կխաղանք «Ծիտիկները և կատուն» շարժախաղը:

**Դաստիարակ**՝Շատ լավ խաղացինք: Իսկ ուրիշ ի՞նչ թռչունների անուններ գիտեք ( պատասխան):

## **Ֆիզկուլտդպար-**

Ապրեք: Քանի որ դուք այդքան թռչունների եք ճանաչում, ինձ թվում է հաջորդ առ  
աջադրանքը ևս կարող եք հաջողությամբ կատարել: Ես կասեմ մի շարք թռչուններ  
ի անուններ: Հենց լսեք, որ ես սխալվում եմ, այսինքն՝ թռչնի անուն չեմ տալիս, դո  
ւք պետք է միանգամից դժգոհեք (ոտքերով դուփել կամ ծափ տալ) և ուղղեք ինձ:

Թռան եկան թռչունները՝աղավնիները, ծիծեռնակ,մոծակ, մրջյուն (դուփեր),թռան եկա  
ն թռչունները՝աղավնիներ, ծիծեռնակ,արագիլներ ու ագռավ,սարյակ, կարապ, գատի  
կ, բզեզ (դուփեր):

## **Դաստիարակ** -

Ապրե՛ք, երեխանե՛ր, դուք շատ խելացի եք. բոլոր թռչուններին գիտեք, իսկ որտե՛  
ղ են ապրում նրանք;

**Երեխաներ** -Ոմանք անտառում, ոմանք՝ բացատում, ոմանք՝ մարդկանց կողքին:

## **Դաստիարակ** -

Իսկ դուք գիտե՞ք, թե ո՞ր թռչուններն են կոչվում ընտանի (պատասխան),որո՞նք են  
գարնան ավետաբեր թռչունները (պատասխան)՝ բնութագրում են մի քանի թռչունների  
արտաքին տեսքն ու

առանձնահատկությունները:Այժմ մենք կդառնանք արագիլներ և միասին կերգենք  
ու կպարենք:/Երեխաները դաստիարակի հետ միասին երգում են  
արագիլի մասին երգը և կատարում համապատասխան շարժումներ:

## **Դաստիարակ-**

Ապրե՛ք, երեխանե՛ր, ասացեք՝ դուք թռչուններին սիրու՞մ եք, չե՞ք նեղացնում  
նրանց: Կերակրու՞մ եք, բույն պատրաստու՞մ եք նրանց համար: Քանի որ դուք այս  
քան պատրաստված երեխաներ եք, ես ձեզ տալիս եմ «Բ» տառը:**Քարի՛ ճանապար  
հ:**

## **Անտառային տարածք ---Անտառային ձայներ**

**Դաստիարակ-** Այժմ գուշակեք հետևյալ հանելուկը.  
«Գարնանը հագնվում է, աշնանը հանվում»:

**Երեխաներ՝** Անտառ:

**Դաստիարակ-** Երեխաներ, դուք եկել եք անտառային տարածք:

Հետևեք ինձ՝ կատարելով համապատասխան շարժումներ

-Բարև, անտառ, չքնաղ անտառ (լայն տարածում են ձեռքերը)՝

Հեքիաթներով, հրաշքով լի (ձեռքերը ուղղում են առաջ):

Ո՞վ է թաքնված քո խորքում:

Ի՞նչ կենդանի, ի՞նչ գազան (ձեռքերը դնում են ճակատին և նայում հեռու):

Եվ դեռ անտառ չմտած՝ մեղուները խայթեցին (ցուցադրում են մոծակի խայթոցը):Շարունակում են քայլել անտառում (քայլք), Հանդիպում են արջուկի (հրանը թեքում են աջ և ձախ):

Նորից քայլում են (քայլք), Հանիպում են առվակի (կատարում են ցատկ):

Քամին շոյում է մեր դեմքը՝ձեռքերով շոյում են դեմքը:

**Դաստիարակ---** Ապրե՛ք, երեխանե՛ր:Այժմ գուշակե՛ք հանելուկը,հսկում է միշտ անտառը,խնամում ծառ- ծաղիկ,բարեկամն է բնության,գազանների,մարդկության:Ասեք,տեսնեմ,ո՞վ է նա...

**Երեխաներ՝** Անտառապահը:

**Դաստիարակ---**Ապրեք,ճիշտ է.նա հոգ է տանում անտառի ու նրա բնակիչների մասին,պահպանում է նրանց:Իսկ ովքեր են անտառի բնակիչները,երեխաները թվարկում են:

**Անտառապահ—Հայր ծնող** –Երեխաներ ծառերի դերը շատ մեծ է բնության մեջ,քանի որ ծառերը հարստացնում են մեր բնությունը:Ծառերը օդը հագեցնում են թթվածնով,դրա համար էլ այգիներում,անտառում,պուրակներում,ուր շատ ծառեր կան,օդը մաքուր է և զով:

**Փորձ—դիտարկում** --Վերցնենք ծառի ճյուղը,զգուշությամբ կեղևը բարձրացնենք և տեսնենք,թե ինչ կա կեղևի տակ,տեսանք,որ մանր որդեր կան:

**Երեխաներ**—Ծառի ճյուղի կեղևը լինում է հաստ և բարակ:

**Անտառապահ**—Երբ պետք է կտրենք ծառը:

**Երեխաներ**---Երբ տերևները դեղնում են,չորանում են,հիվանդանում են և այլ պատասխաններ:

**Խաղ՝ Այո-ոչ**

**Դաստիարակ**---Ես ձեզ կասեմ իմ գործողությունները;Եթե դրանք լինեն լավ արարքներ,ասեք՝ այո,վատի դեպքում բղավեք՝ ոչ:Ուշադիր լսեք:

Երբ անտառ եմ ես գնում,խոտաբույս եմ ես պոկում-----**Ոչ:**

Պաղպաղակ եմ ես ուտում և թուղթը վայր եմ գցում-----**Ոչ:**

Հացի փոքրիկ մնացորդը թռչուններին եմ տալիս-----**Այո:**

Իսկ ավելորդ մնացորդը ինձ հետ դուրս եմ ես տանում--- **Այո:**

Շատ եմ սիրում բնությունը և միշտ պահպանում եմ այն-- **Այո:**

**Դաստիարակ**---Ապրե՛ք, երեխանե՛ր:Դուք ստանում եք ձեր <<Կ>>տառը:Շարունակում ենք մեր ճանապարհորդությունը:

### **Ծաղիկների տարածք**

**Դաստիարակ՝**մայրիկներ,ինչ եք կարծում,այս փորձությունն էլ եկեք դուք հաղթահարեք:Դուք ծաղիկներ սիրում եք--/այո/,հիմա կստուգենք:Թվարկեք ծաղիկների անվանումներ,նկարագրեք/ պատասխանում են/;Ինչ եք կարծում,ինչ են անհրաժեշտ,որպեսզի ծաղիկներն աճեն,գեղեցկանան/ պատասխանում են

---հող,ջուր,ջերմություն,հոգատար ձեռքեր:

**Դաստիարակ**---Իսկ հիմա երեխաներ ծաղիկների մասին հանելուկներ առաջարկենք մայրիկներին,որպեսզի միասին ստանանք Ի տառը:

**Հանելուկներ՝**Գլխարկը կապույտ ,շապիկը կանաչ,

Մի սիրուն ծաղիկ՝ամենքին ճանաչ----ՄԱՆՈՒՇԱԿ:

Դաշտի ծաղիկ է մարդկան բարեկամ,

Ճերմակ թերթերով՝ նուրբ ու դուրեկան---ԵՐԻՑՈՒԿ:

**Դաստիարակ**---Ապրեք, հիանալի է, սիրելի ծնողներ: Պարապմունքի ավարտին մենք միասին ծաղիկներ կցանենք: Մենք ստացանք Ռ տառը:

**Միջատների տարածք**—երեխաներ, մենք հասանք միջատների տարածք: Եկեք գուշակենք թե այս ինչ տզզոց է/ Մեղվի տզզոց/, իսկ այս ինչ է թաքնվել խոտերում՝ զատիկ: Ճիշտ է, զատիկ է: Այսպիսի անվանում են տվել կարմիր պուտերով բզեզին: Ձատիկը միջատ է: Ինչպես կարելի է արտաքինից ճանաչել միջատներին, բոլոր միջատներն էլ ունեն գլուխ, կուրծք, փոր և այլն: Միջատների մասին հանելուկներ կառաջարկեմ ձեզ:

Ծառի բնին շարվեշարան. տեսա երկար մի քարավան,

Աշխատում են առանց դադար, պաշար կիտում ձմռան համար /Մրջյուն/

Ի՞նչ միջատ է թևավոր, թռչում, անցնում սար ու ձոր,

Առավուտից իրիկուն ծաղկափոշի հավաքում /մեղու/

Թևեր ունի գույնզգույն, ծիլ ու ծաղիկ է սիրում,

Թռչկոտում է սար ու ձոր, կյանքն էլ կարճ է՝ լոկ մի օր;/ թիթեռ/:

**Շարժախաղ՝ «Բռնիր մոծակը»:**

Կեցցեք, երեխաներ դուք ստացաք <<Ռ>> տառը: Մեր ճանապարհորդությունն ավարտվեց: Իսկ հիմա եկեք մեր վաստակած տառերը հավաքենք, տեսնենք, ինչ բառ կարելի է կազմել այդ տառերով: Միասին արտասանում են <<Երկիր>> : Քանի տառ կա, քանի հնչյուն, քանի ձայնավոր, քանի բաղաձայն, քանի վանկ/երեխաները պատասխանում են/:

**Հարց ու պատասխան**—Որն է մեր երկիրը, որոնք են խորհրդանիշները/դրոշ, զինանշան, օրհներգ/

--Ապրե՛ք, երեխանե՛ր, դուք շատ խելացի եք:

**Դաստիարակ**---Մեր մոլորակը՝ Երկիրը, հարուստ է սարերով, ձորերով, անտառներով, կենդանիներով, թռչուններով: Նա առատաձեռն է մեր հանդեպ: Այն մեր տունն է: Դե ուրեմն եկեք, պահպանենք, հոգ տանենք նրա մասին և ոչ ոքի չթողնենք, որ վնասի, փչացնի այն, կամ ցավ պատճառի նրան: Իսկ հիմա եկեք վերցրենք կերպակվեստի մեր պարագաները և ստեղծենք ձեր սիրած մոլորակը՝ Երկիրը ու այնտեղ բնակվող ամեն ինչ:

**Ձոն բնության երգի** հնչյունների ներքո երեխաները աշխատում են:

**Հրաշքների դաշտ՝ Ծնողները պարապմունքի ավարտին մաքրում են նախակրթարանի այգին, մեկական ծաղիկ են տնկում պարտեզի համար, որպեսզի մեր շրջակաըը, մեր Երկիրն էլ ավելի գեղեցկանա:**













# Մանկավարժական անձնակազմի վերլուծությունը պարապմունքի վերաբերյալ

## Տնօրեն՝ Ս.Ադունցի վերլուծությունը պարապմունքի վերաբերյալ

Նախքան պարապմունքն սկսելը, երբ մտա դահլիճ, շուրջս տիրող գեղեցիկ միջավայրը, դիդակտիկ պարագաների առկայությունը, թե՛ երեխաների և թե՛ դաստիարակի ճաշակով ընտրված թեմային համահունչ հագուստը, ջերմ ու տրամադիր մթնոլորտը փաստում էր, որ տեղի է ունենալու մի հրաշալի պարապմունք, որից տպավորված են լինելու և՛ երեխաները, և՛ հյուրերն ու ծնողները. և ես չսխալվեցի: Դաստիարակն այնպիսի արդիական թեմա էր ընտրել, որի ընթացքում ստացած գիտելիքները երեխաներն օգտագործելու են ամբողջ կյանքում: Նա իր գրագետ խոսքը փոխանցել էր երեխաներին, ովքեր անկաշկանդ, միմյանց նկատմամբ հարգալից վերաբերմունքով վերերտադրում էին իրենց մտքերը և ներկայացնում հավուր պատշաճի: Ընտանիքը և մանկապարտեզը երկու հիմնական հավասարազոր սուբյեկտներ են, որոնք ազդում են երեխաների վրա մանկության տարիներից: Միայն այս երկու օղակների համագործակցության դեպքում հնարավոր է ձևավորել երեխաների մեջ բարձր բարոյական որակներ, ինչը և իրականացրել է փորձառու դաստիարակը՝ օգտագործելով ճկուն հնարներ ու նորարարական մեթոդներ՝ գործի դնելով իր մասնագիտական հմտություններն ու կարողությունները, ծնողավարման գրագետ ձևերը, տարիների անխոնջ աշխատանքի փորձը: Ես փաստում եմ, որ դաստիարակը լիովին հասել է իր առջև դրված նպատակներին և վերջնարդյունքին:

**Մեթոդիստ՝ Բ.Բաղդասարյան**—Ես՝ որպես մեթոդիստ, հաճախակի եմ լսումներ կատարում դաստիարակչուհի Ռ. Վանեսյանի մոտ և ամենօրյա անցկացվող դաստիարակչական պարապմունքների անցկացման հետևանքով է, որ այսօրվա պարապմունքը շատ ուսուցողական էր և արդիական: Այն կառուցված էր ԽԻԿ համակարգի հիման վրա: Դաստիարակը հասավ իր նպատակին՝ թե երեխաների, թե մանկավարժների, թե ծնողների գիտակցությունը հասցրեց նրան, որ եթե ուզում ենք մեր մոլորակը և ժողովուրդները գոյատևեն, ապա յուրաքանչյուր մարդ շրջակա միջավայրի պահպանությունը պետք է դարձնի իր սուրբ պարտականությունը: Պարապմունքը հագեցած էր դիդակտիկ պարագաներով, դաստիարակի խոսքը հստակ էր, գրագետ, երեխաները բավականին ակտիվ էին՝ զինված գիտելիքներով, իսկ գործնական աշխատանքն՝ ավելի արդյունավետ:

## Եզրակացություն

Մեր կատարած ուսումնասիրությունների արդյունքում պարզեցինք, որ ծնողների հիմնական մասը չունի մանկավարժական կրթություն, չի տիրապետում երեխայի զարգացման ու դաստիարակության հիմնահարցերին:

Նրանք հիմնականում հենվում են մանկապարտեզում իրականացվող կրթադաստիարակչական աշխատանքի վրա: Որոշ ծնողներ ինքնուրույն օգտվում են համապատասխան լրատվական աղբյուրներից և այդ հիմքով կազմակերպում իրենց երեխաների առօրյան: Նրանց հետ անցկացված հարց ու պատասխանի և թեմատիկ զրույցների միջոցով պարզ դարձավ, որ նրանք ցանկություն ունեն ձեռք բերելու մանկավարժական գիտելիքներ: Նրանք չեն տիրապետում երեխայի տարիքային և անհատական առանձնահատկություններին, ինչպես նաև հոգեկանի զարգացման օրինաչափություններին, այդ պատճառով էլ դժվարանում են ընտանիքում ճիշտ կազմակերպել երեխայի դաստիարակությունը: Հաշվի առնելով ընտանեկան դաստիարակության առկա վիճակն ու դաստիարակության ժամանակակից մոտեցումները՝ հարկավոր է մշակել նախադպրոցական ընտանեկան դաստիարակության ուղեցույց՝ հրահանգներ, խորհուրդներ, մեթոդական ցուցումներ, որտեղ կներգրավվեն դաստիարակության ժամանակակից մոտեցումներից բխող հրահանգներ, ինչպես նաև բազմաբովանդակ խորհուրդներ ծնողներին: Պարզեցինք, թե ուսումնասիրվող մանկապարտեզում հետազոտության մեջ ընդգրկված սաների ծնողները ինչպես են իրականացնում ընտանեկան դաստիարակությունը և որքանով են համագործակցում մանկավարժական անձնակազմի հետ: Հիմնվելով հարցաթերթիկների և մաթեմատիկական վիճակագրության վրա, կարող ենք փաստել, որ ընտանիք-մանկապարտեզ համագործակցությունը՝ ուղղված ընտանիքում երեխաների ընտանեկան դաստիարակության կազմակերպմանը, ունի միջին մակարդակ: Այնուամենայնիվ, ծնողներից շատերը գտնում էին, որ ընտանիք մանկապարտեզ համագործակցությունը երեխայի լիարժեք զարգացման կարևոր նախապայմաններից է:

Եթե ընտանեկան դաստիարակության հիմունքները կառուցած լինեն ազգային ավանդույթների և ժամանակակից նախադպրոցական մանկավարժության պահանջների ոգով, ապա հայ ընտանիքը կպահպանի իր ազգային դիմագիծը, և երեխաները կլինեն հայրենասեր: Նման սերունդները կապահովեն ամուր ընտանիք, իսկ կայուն ու ամուր ընտանիքն ազգի գոյապահպանման հիմքն է: Գալով ամփոփ եզրակացության, նշենք, որ միայն ճիշտ և գրագետ համագործակցության, նշենք, որ միայն ճիշտ և գրագետ համագործակցության միջոցով, ինչպես նաև փոխվստահությամբ կարող ենք նպաստել երեխաների կրթական և դաստիարակչական մի շարք հարցերի լուծմանը:

## ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1. Ամիրջանյան Յու. Ա., Սահակյան Ա. Ս «Մանկավարժություն», Երևան 2005թ.
2. Մակարենկո Ա. Ս. «Դաստիարակություն ծնողության վերաբերյալ», 1940թ.
3. Միտոյան Հասմիկ, Սմբատյան Լալա «Ուսումնական ձեռնարկ մանկապարտեզի համար», Երևան 2010թ.
4. Սմբատյան Լ. «Խաղերի և խաղ-զվարճալիքների կազմակերպումը մանկապարտեզում», Երևան 2014թ.
5. «Նախաշավիղ» հանդես
6. Քայլ առ քայլ «Այնքան ծանոթ և անծանոթ մեր երեխան»
7. Осипова Л. Е. «Работа детского сада с семей» М. 2008г.

